

მწყმისი



მე ვარ მწყმისი კეთილი: მწყმისმან კეთილმან სული თვისი დაჰსდგის ცხოვართათვის. (იოან. 10—11).
ვპოვე ცხოვარი ჩემი წარწყმედული. ესრეთ იყოს სიხარული ცათა შინა, ერთისათვის ცოდვილისა. (ლუკ. 15—4).
მოვედით ჩემდა ყოველნი მასურაღნი და ტვირთ-მძიმენი და მე განგისვენო თქვენ. (მათ. 11—28).




ქრისტე აღსდგა!

ქრისტეს აღდგომისა გახმო.

(საუბარი ზერსონის მთავარ-ეპისკოპოსის ინოკენტიისა).

წმ. ანბროსი მედიოლანელი, როცა საუბარს იწევს ქრისტეს დაბადების შესახებ, ამბობს, რომ ამ დროიდან დღე თან-და-თან მატულობს და მასთან ერთად ძლიერდება სულიერი ნათელი, რომელმაც ამოაშუქა ბეთლემიდან და თავისი ძლიერი სხივები მოჰჭინა მთელ დედამიწასო. ჩვენც, ჩვენის მხრით, მძანო, დაჭეშმარიტებით შევკვიდრეთ ვთქვათ, რომ ქრისტეს აღდგომის დრო არის ის ხანა წლი-



სა, როცა მთელი ბუნება ახლდება და იღვიძებს ზამთრის სიცვიისაგან. როცა „ტ ა მ რ ი ს ფ ა ნ ჯ რ ი დ ა მ“ შესცქერი გასაფხულს, უნებლიეთ ხედავ მასში მომასწავებელ ნიშანს, რომლითაც ბუნება ეოველ წლობით ეკებება ჯოჯოხეთისა და სიკვდილის დამთრგუნველს—მაცხოვარს. ქრისტეს ჯვარცმა და ვნება მოხდა გოლგოთასე ერთხელ, ვინაიღვან მაცხოვარი მსოლოდ ერთგვის მოკვდა; სოლო სასინარულო შედგენი ქრისტეს აღდგომისა ეოველთვის მეორღეობიან, ვინაიღვან ქრისტე, რომელიც აღსდგა მკვდრეთით, აღარა მოკვდეს (რომულ. 6, 8). მაცხოვარს შეეძლო მომკვდაჩიეო და აღმდგარიეო წლის სხვა რომელიმე დროსაც; მაგრამ აღსდგა, სახელდობ, მაშინ, როცა მთელს ბუნებას შეუძლია მიეკებოს მას (მაცხოვარს) თავისი განახლებულის სახით.

— დიად, მართლაც, ვისი მიეკებება უფრო შეჭფერის ბუნებას თავისი განახლებული სახით?—თუ ბუნებაში მისი მფეის—ჯოჯოხეთის დათრგუნვის შემდეგ კიდევ დარჩა რაიმე წესი, თუ ზამთარს ეოველთვის თან მოსდევს გასაფხული, ეოველიეე ამაებს ანიჭებს ბუნებას მსოლოდ ის, რომელიც არის ცხოვრების მომნიჭებელი, მეორე ადამი, რომელმაც, გადაწვეიტა რა აღესოცა ცოდვები ჰირველი ადამისა, მაშინვე, მისი შეცოდების შემდეგ, აღილო ხელში ის კვერთხი მთავრობისა, რომლის ალება აღარ შეეძლო ჩვენს უბედურს მამათ-მთავარს. ავრეთვე, თუ ბუნება შემდგომ მრავალი მოკლე დროებითი განახლებისა, გასაფხულის და ზაფხულის მეოხებით, ოდესმე ისილავს თავის თავზე გასაფ-

ხულს, რომელიც ეოველთვის თავის დროზე იწეება, შეიმოსება სოლმე ედემის მშვენიერებით, ეოველიეე ამას ახდენს მასსში არასხვა რაიმე ძალა, არამედ ის, რომ უფალმა თავისი სისხლით ჯვარიდგან განსწმინდა მთელი დედამიწა და ბუნების ეოველიეე არსებას მიანიჭა ძალა განახლებისა და უკვდავებისა. და ამიტომაც ბუნება ვალდებულია შემეტესად მიეკებოს თავისი აღდგომით მაცხოვარს, რომელმაც თავისთან ერთად აღადგინა ეოველიეე, როგორც კალობს წმიდა ეკკლესია. ბუნების აღდგომისა და ქრისტეს აღდგომის მორის არის კავშირი არა მარტოდროით, არამედ საქმითაც. ბუნება ახლდება ესლა დროებით, ვინაიღვან აღსდგა დღეს მისი აღმდგენელი—მაცხოვარი, და ამის გამოიგი აღსდგება ოდესმე საუკუნოდ.


ასეთი დამოკიდებულება გასაფხულსა და ჩვენს დღესასწაულობასა მორის აორკეცებს, მძანო, ამ დღესასწაულის სინარულს და გასაფხულის სიმშვენიერესაც. ადგომა უფლისა უფრო სასინარულო ხდება ჩვენთვის, როცა თვალწინ ვიდგენთ, რომ ქრისტეს ადგომას დიდი მნიშვნელობა აქვს არა მარტო კაცთა ნათესავისათვის, არამედ ქრისტეს აღდგომის ძლიერება ვრცელდება მთელს ბუნებაზედაც. გასაფხულს ენიჭება რაღაცა სადმერთო სახე, აქედგან ცხადია, რომ ბუნების განახლება წარმოსდგება იმავე არსებისაგან, რომლისაგანაც წარმოსდგა ჩვენი სულიერი განახლება; ცხადათ ვხედავთ, რომ ბუნების განახლებაც არის ნაუოფი გოლგოთის გამოხსნისა. ამის შემდეგ ეველასათვის ცხადი უნდა იეოს, როდესაც ეკკლესია კალობს, რომ



ქრისტეს აღდგომით განსარებულა „ცა და ქვეყანა და უფსკრული.“ ჭეშმარიტად რომ აღდგომა ქრისტესი მსოფლიო დღესასწაულია, ვინაიდან კოლგოთაზე, მოციქულის სიტყვისაჲთ, მოხდა შერიგება ღმერთსა და ქვეყანასა შორის.

მაგრამ, ძმანო, ეს მსოფლიო მშვიდობა აკვძორდება ჩვენ, თუ არ ვეცდებით, რომ ეს მშვიდობა დავიმკვიდროთ ჩვენს კულში! ჩვენს გარშემო უოველივე ახლდება და ჩვენ კი ისეთნივე დაზრჩებით, როგორც ვიყავით, თუ არ ვეცდებით, რომ განვახლდეთ. აბა, შესედეთ ბუნებას: დადგა გაზაფხული მთელი დედამიწისათვის, უოველივე ჭეკვივის და მშვენიერდება, ხოლო გამხმარი ხეები ესლაც შიშველნი და საზარელი სანახავეები არიან და თავისი სახით აუშნოებენ ბუნების სიმშვენიერეს. ასეთივე არიან ცოდვილთა სულნიც: იგინი, გამხმარ ხეების მსგავსად, მაშინაც მკვდარნი იქნებიან, როცა კი უოველივე განახლდება. ამიტომაც ედემში უოველივე ღვთის სასიამოვნოდ უნდა იყოს მორთული, წინააღმდეგ შემთხვევაში ცოდვილებს ისე მოეჭრობიან, როგორც ეჭრობიან ძეგლები გამხმარ ხეებს, ესე იგი მათ მოსჭრიან და დასწვენ ცეცხლში.

ამიტომ საჭიროა, ძმებო, რომ წინდაწინვე უსათუოდ განვახლდეთ, ესვით სასძველი ცხოვრებისა, აღვივსოთ ღვთის მადლით, ვიწყოთ კეთილი ნაყოფის მოტანა; საჭიროა აქვე აღვსდეთ, რომ იქ არ მოვკვდეთ საუკუნო სიკვდილით!



ზოგიერთი საერო ჟურნალ-გაზეთების უნებლიეთ მცდლობათა გამო.

დიდი ხანი არ არის, რაც საერო ჟურნალ-გაზეთებმა ერთი კეთილი საქცელი შემოიღეს. საქმე იმაში მდგომარეობს, რომ უკვალა ეს ჟურნალ-გაზეთები ამ ბოლო ხანს, საეკლესიო დიდი დღესასწაულების გამო თავიანთ მკითხველებს მოუთხოვრებენ ხოლმე ამ დღესასწაულთა ისტორიას, მათ მნიშვნელობას და დოქმატიურ სწავლა-მოდვრებას. ეს საქციელი სწორედ რომ კეთილი და პატიოსანია. მაგრამ, სამწუხაროდ, ამ სადღესასწაულო მოთხოვრებათა ავტორები ხშირად ისეთ შეცდომაში ვარდებიან, როგორი შეცდომაც მოუვიდა ერთ გრაფინიას. ამ გრაფინიამ ერთ ოჯახში ქვიფობისა და დროს გატარების დროს უკრადდება მიაქცია ერთ უმაწვილ კაცს, რომელმაც ეს გრაფინია მოხიბლა თავისი მშვენიერი თამამობით, ოხუნჯობით და სიმღერით. ეს ახალგაზდა კაცი იყო სემინარიაში გურს დამთავრებული, მაგრამ მღვდლად კურთხევაზე უარს ეუბნებოდენ. როცა გრაფინიამ შეიტყო ამ უმაწვილის ვინაობა, ძლიერ შეებრაღა იგი და მოინდომა, რომ მისთვის მუამდგომლობა გაეწია მღვდელ-მთავრის წინაშე. გრაფინიას ბევრი არ დაუგვიანებია, აგი ეტლით მიბრძანდა მღვდელ-მთავართან.

— რაზე მობრძანებულხართ, ბ. გრაფინიავ, ჭკითხა მღვდელ-მთავარმა.

— ერთი თხოვნა მაქვს, მეუფეო, და სრული იმედი მაქვს, ამ თხოვნას შეიწყნარებთ და კიდევ აღმისრულებთ, მოახსენა გრაფინიამ.

— რა თხოვნა გაქვსთ? ჭკითხა მღვდელ-მთავარმა.



ქრისტე აღსდგა

აღდგამასა ზენს, ქრისტე მაცხოვარ, ანგელოსნი უოაღადებენ ცათა შინა და ჩვენცა ქვეყანასა ზედა ღორს მყვენ წმიდითა გულითა დიდებულ ზენსა.

ქრისტე აღსდგა მკვდრეთით სიკვდილითა სიკვდილისა დამორგუნველი და სფოთების შინათა, ცხოვრების მიწიქებული.

აღსდგენ ლმერთი და განიბნინედ ჟოველნი მტერნი მისნი, და იელტოდენ მოკლენი მისნი, პირისაგან მისისა.

მითარცა მოაკლდენ კვამლისა, მოაკლდენ და ვითარცა ცვილი რადდნის წინაზე ცუცხოსა.

მსრეთ წარწყმდენ ცოდვილნი პირი აგან ლეთი და მართალნი იხარებდენ.

მე არს დღე, რომელ ქმნა შეფმან, ვიხარედეთ და ვიშეებდეთ ამას შინა.

— თქვენ ეპარქიაში, მოახსენა გრაფინამ, არის ერთი სემინარიელი, რომელსაც, კაი ხანია, რაც სწავლა დაუმთავრებია სემინარიაში, მაგრამ მღვდლობის მიღებას კ ვერ ღირსება.

— თქვენ საიღამ იცნობთ ამ სემინარიელს? ჰკითხა მღვდელ-მთავარმა გრაფინიას.

— ამ ს წინეთ, მოახსენა გრაფინიამ მღვდელ-მთავარს, მე მიპატიჟებული ვიყავი ერთ ოჯახში ვანშამზე. ამ ვანშამზე ის სემინარიელიც იყო. მან თავისი თამაშობით, ოხუნჯობით და სიმღერით უველა იქ დამსწრე პირთა უკრადება მიიწიდა. მან სიცილით დაგვხოცა თავისი მოსწრებული ოხუნჯობით და თამაშობის დროს მშვენივრად ასრულებდა «დერიჟორის» მოვალეობას. ამ სემინარიელმა თავისი საქციელით, თითქმის, უველა მანდილოსნები მოხიბლა. ბრალია, თქვენო მეუფებავ, რომ ამისთანა ნიჭიერ კაცს მღვდლობის ადგილი ვერ უშოვია და უკიდურეს სიღარიბეშია. იმედი მაქვს, ჩემს შუამდგომლობას პატივსა სცემთ.

ჰმ, დაფიქრდა მღვდელ-მთავარი ღ ბოლოს უპასუხა გრაფინიას: კარგი, თქვენი თხოვნა იქნება აღსრულებული...


გრაფინია სრული დაიმედებული შინ წაბრძანდა. მეორე კვირას ადგილობით ეპარქიის უწყებებში, სხვათა შორის, გამოცხადებული იყო შემდეგი «**None** სემინარიელი (რომლის კურთხევასაც შუამავლობდა გრაფინია) მეუფე-რებელი უოფა-ქცვისა გამო სრულიად დათხოვნილ იქმნა სასულიერო უწყებიდან».

როდესაც ეს ამბავი შეატუობინეს გრაფინიას, იგი ძლიერ გაკვირდა და ვერ მიხვდა, რომ მისი ქება ამ სემინარიელისათვის დამამცირებელი და წინააღმდეგი იყო!..

როდესაც გულდასმით კითხულობ კაცი ზოგიერთ საერო ქურნალ-გაზეთთა მსჯელო-

ბას ქრისტეს შობის, მისი ადღგომის, ამაღლების, სულის წმიდის მოსვლის, მოციქულთა ღ მთავარ მოწამეთა დღესასწაულების შესახებ დოღმატიურის მხრით, სწორეთ ამ გრაფინიას სემინარიელისათვის შუამდგომლობა გაგონდება. ჩვენ დარწმუნებული ვართ, რომ ამ გაზეთების ზოგიერთ თანამშრომლებს განგებ კი არ მოსდით ესეთი შემცდარი მსჯელობა ხსენებულ დღესასწაულების შესახებ, არამედ ეს შეცდომა აინსნება იმითი, რომ მათ კარგად შესწავლილი არა აქვთ საღვთის-მეტყველო საგნები და ჩვენი სარწმუნოების დოღმატები. ამ უცოდინარობის გამო იგინი ხშირად სულ სხვა მნიშვნელობას აწერენ ზოგიერთ დღესასწაულებს და თავისებურად განმარტებენ!.. ჩვენ საჭიროთ არ მიგვაჩნია ჩვენი ნათქვამის დასამტკიცებლად დავასახელოთ ზოგიერთი საერო ქურნალ-გაზეთების შემცდარი აზრი საეკლესიო დიდ დღესასწაულების შესახებ, ვინაიდგან ამაზე ბასი ძლიერ შორს წაგვიყვანდა.

ჩვენის მხრით ხსენებული ქურნალ-გაზეთების რედაქციებს ურჩევთ ამ საქმეში მიხადონ ქურნალ «კვალი»-ს რედაქციის მშვენიერ და გონივრულ საქციელს. ამ ქურნალის რედაქციას საეკლესიო დღესასწაულების აღწერის დროს მოჰყავს საღმრთო წერილის ნამდვილი სიტყვები და ამიტომაც იგი არასოდეს შეცდომაში არ ჩავარდება. შეიძლება მწერალმა მშვენივრად იცოდეს ფელეტონების და მეთაური წერილების შედგენა, მაგრამ ჩვენი ეკლესიის დოღმატების შესახებ, როგორც ჩვენში იტყვიან ნოღმე, ერთი «ინჩი»-ც არ იცოდეს.



პედაგოგიური შენიშვნები სამრევლო სკოლის მასწავლებელთა საუბრადღებოდ.


(წერილი მეშვიდე).

ვისაც ცოტათი მაინც თვალ-ყური უდევნებია ჩვენებური სახალხო სკოლებისათვის, ის უმეტესად შენიშნავდა, რომ რუსული ენის სწავლება, ბევრგან ამ გვარ სკოლებში, უფრო ამ უკანასკნელ დროში, წამების გზაზე არის დაყენებული. ხშირად გაიგონებთ ბევრს ისეთს უკუღმართობას რუსული ენის სწავლებას შესახებ, რომელიც არა თუ სპეციალურად მომზადებულ მასწავლებელს, არამედ იმასაც არ ენახება, ვისაც პედაგოგიკა ბვალითაც არ უნახავს. დღეს იშვიათი მოვლენა არ არის იმისთანა ამბები, რომ ზოგნი, გადაბირების გზაზე დაყენებული მასწავლებელი, ჩვენებურს სოფლის ბავშვს სკოლაში შემოსვლის დღიდანვე რუსულად აწყებინებენ წერაკითხვას, ზოგი კი ქართულ რუსულ წერაკითხვას ერთსა და იმავე დროს ასწავლიან, ამ უცნაურს ხერხს სწავლებისას, რასაკვირველია, მოჰყვება არა საკვირველი შედეგი—ბავშვი წლის განმავლობაში ვერც სამშობლო ენაზე სწავლობს წერაკითხვას რიგიანად და მით უფრო ვერც უცხო ენაზე იგნებს რაიმე ქართულ სიტყვებს ნახევარს რუსული ასოებით და ნახევარს ქართული ასოებითა სწერს—ბაბილონის არეულობა სწორედ ამასა ჰქვია. ვინ მოსთვის ყველა იმ ცუდს შედეგს, რომელიც მოსდევს უცხო ენის უკუღმართად სწავლებას. ეს უკუღმართობა ესმის ყველას, ვისთვისაც სკოლა არ შეადგენს განყენებით საგანს თანაგრძობისას, არამედ—საშვილი-შილო, სასისხლ-ხარცო საქმეს, რომლისთვისაც ტანჯვით და ოფლით ნაშრომს გრომს არ ჰზოგვენ და შვილების ბედს და უბედობას სკოლას არწმუნებენ.

უცხო ენის სწავლებას პირველ დაწყებით სასოფლო სკოლებში, რაც უნდა ბევრი დონისძიება ვიხმაროთ, დიდი სარგებლობის მოტანა არ შეუძლიან—ხშირად ვხედავთ ამისთანა მაგალითს, რომ ბავშვს, სკოლაში შექმნილი ორიოდ რუსული სიტყვა, რაკი ცნობარებაში სავარჯიშო მოედანი ვერ უპოვია, მალე დაიწყებია—და მაშასადამე მისთვის უსარგებლოდ შექმნილა. საკვირველიც არ არის

მოველოდეთ დიდს და კარგს შედეგს მცირედის მიზნისაგან. თუ ჩვენი მიზანი, ჩვენი ამოცანა მარტო იმაში მდგომარეობს, რომ ბავშვს უცხო ენაზე მარტო თუთიყუშური ყბედობა ეასწავლოთ, რასაც ზოგი მასწავლებელი თავის გამოსახენად უკვე ცდილობს, მეტს ვერც შევძენთ მათ, ვინც არის ჩვენი ერის მომავალი. ცხადია, რომ ამ გვარი საქმის გაუგებლობა, მცირე მიზანი, აფუჭებს ყოველგვარ ჰქვიანურ საქმეს. ენის ცოდნის სარგებლობა ბევრს ძალიან ცუდად ესმის—უცხო ენის შესწავლის სარგებლობა მდგომარეობს უთაბოლო და უაზრო ყბედობაში კი არა, არამედ ამ ენის აზრის და სულის გაცნობაში. ეს არის უმთავრესი და უპირველესი მიზანი უცხო ენის შესწავლისა; ეს მაღალი მიზანი ისე უნდა იყოს დაყენებული და წარმართული, რომ ამ მიზნისადმი მისაღწევად მიღებული საშუალებანი არაოდეს უღირსს და მატყუარს გზას არ უნდა მიმართავდეს და არც უნდა ეძებდეს უპირატესობას, თავისთვის სხვა ამ გვარივე მაღალი მიზნის საზიანოდ.

უცხო ენის უდროოდ სწავლების დაწყება აჩერებს კმაწვილის გონებით გამოუხიზლებას, წესიერს განვითარებას, ამიტომ რა გასაკვირველია, რომ ჩვენი სახალხო სკოლების უფროს განყოფილების მოწაფეები ვერ იჩენენ შესაფერისს გონება-გახსნილობას, განვითარებას. რუსების ცნობილი პედაგოგი უშინსკი ამბობს—ბავშვს რომ უცხო ენის სწავლება დააწყებინოთ, როდესაც დედა-ენაზე კარგად ვერც კი კითხულობს—განა ეს სწავლის სურვილის დასაწყისშივე მოკვლა არ იქნება? ყველა ხალხის წარჩინებული ძეგლი თუ ახალი პედაგოგები სულ იმ აზრისანი იყვნენ და არიან, რომ ვიდრე უცხო ენის სწავლება დაეწყებინებდეთ ბავშვს—საჭიროა საფუძვლიანად შევასწავლოთ სამშობლო ენა და როცა ბავშვი ცოტათი თუ ბევრად გაიპართება სამშობლო ენაში, დედა-ენაზე წერაკითხვაში, მაშინ შეიძლება ბავშვს უცხო ენის სწავლება დაეწყებინოთ—მხოლოდ ყოველთვის უნდა გვახსოვდეს, რომ ყოველივე სწავლის გადაცემა უცხო ენის სწავლების დროს ასე უნდა იყოს დაწყებული, რომ ბავშვს ყოველთვის შეეძლოს ჰქონდეს ნამდვილი, ცხადი და სწორი წარმოდგენილობა სასწავლო საგანზე—მხოლოდ ამ ნაირი შეგნებულად შესწავლა რუსული ენისა არა თუ არ აწეებს ქართულ ენას, არამედ ძირელ დაეხმარება მის წარმატებასა და აყვავებას,





სამართლიანად ამბობს ჩვენი ცნობილი, პატრიცემული პედაგოგი ი. ს. გოცებაშვილი, რომ ამ რიგზე დაყენებული სწავლება მოზარდ თაობას შემოქმედებითს ძალასაც გაუძლიერებს, ენის ალღოსაც განუვითარებს, სახსოვარსაც განუმტკიცებს, შედარებითი ნიჭსაც უფარჯიშებს, რადგანაც ყოველს ნაბიჯზედ უცხო ენას აღარებს დედაენასთან და უხსნის მათ-შორის მსგავსებასა და განსხვავებას, ენის ბუნებას ღრმად შეათვისებინებს და ორკეცს ნამდვილ მეტყველებას მიაჩქებს» (ძირითადი უკუღპ. გოცებაშვილისა გვ. 36).

პირველი ეარჯიშობანი უცხო ენაზე ყოველთვის უნდა წარმოებდეს ბავშვის მიერ უკვე ცნობილ მასალაზედ, ამიტომ რომ არ დაეტანოთ ძალა ბავშვის გონებას, რომ ის ერთსა და იმავე დროს იძულებული არ იქმნას, თავისი ყურადღება დაანაწილოს ორს უცნობ საგანს შუა, რის გამო გამოწვეული სუსტი ყურადღება უშლის ბავშვს სასწავლო მასალის აღვილად და ჩქარად შეთვისებას. აგრეთვე, რომ სწავლების დროს მუდამ მიეყვებ პედაგოგიურს თანდათანობას, იმ პედაგოგიურს კანონს, რომელიც ამბობს, გადადი ცნობილამ—უცნობზეც—საჭიროა პირველადვე შევასწავლოთ ბავშვს მხოლოდ ის ფორმები უცხო ენისა, რომლის მსგავსი მოიპოვება სამშობლო ენაში. შემდეგში კი, როცა ბავშვი ცოტათ თუ ბევრად შეისწავლის ლექსიურად საგნების, მოქმედების, თვისებათა და სხვის სახელებს, შეისწავლის უცხო ენაზე წერა-კითხვასაც, შეიძლება მიექცეს მასწავლებლის ყურადღება უცხო ენის სწავლების დროს იმ ფორმებს და წესებსაც, რომლითაც უცხო ენა განიარჩევა მშობლიური ენისაგან—აგრეთვე უცხო ენის შესახებ კანონის დადგენის დროსაც შედარებითი მეთოდით, დედაენასაც უნდა მიექცეს შესაფერისი ყურადღება. რუსული ენის სწავლება ჩვენ სკოლებში, მაშინ იქნება წარმატებითი გზაზედ დაყენებული, როდესაც ამ საგანს ასწავლიან ბავშვებს თვალსაჩინოდ. კომენსკი ამბობს, რომ სიტყვები უნდა ისწავლებოდეს მხოლოდ საგანთან, ნივთებთან. შეერთებითო, ხმალს აქვს გარედ ქარქაში—ხის გულს—ჭერკი, კანიხილს—ნაჭუჭი—ღვინოს ყიდულობენ—გადააქეთ ბოჭკებით, ტიკებით. რა არის სიტყვაო, თუ არა სამოსელი, გარეთი კანი—საგნისა თუ რომელიმე ნივთისაო, მაშასადამე, განაგრძობს კომენსკი, როდესაც და რომელ ენასაც

უნდა ვასწავლიდეთ, თითქმის სამშობლო ენის სწავლების დროსაც—კი, აუცილებლად საჭიროა თვალსაჩინოდ ეუჩვენებდეთ შეძლებისა და მოხერხების გეარად ყველა საგნებს, ნივთებს, მოქმედებებს, რომელთა სახელსაც ვასწავლით; აგრეთვე საჭიროა და სასარგებლო, რომ მოწაფეებსაც შეეძლოს გამოხატვა სიტყვებით იმისი, რასაც ისინი ჰხედვენ, ისმენენ, შეეხებიან—ერთის სიტყვით, რომ ენა, რომელსაც ბავშვი სწავლობს, უნდა გაიხსნას, განვითარდეს მუდმივ მეტყველებასთან ერთად. ამ ნაირად, ამბობს კომენსკი, შეიძლება დავადგინოთ ამ ნაირი კანონი—ვისაც როგორ ესმის, გაეგება, იმნაირად ეჩვევა ლაპარაკსაც, მეტყველებასაც—პირიქით ვინც რაზედაც ლაპარაკობს, უნდა კარგად ესმოდეს და გაეგებოდეს კიდევ. არავის ნება არ უნდა მიეცეს ლაპარაკისა იმ საგნის შესახებ, რაც მას არ ესმის, ან არ შეუძლიან გამოთქვას, რადგანაც ვისაც თავისი აზრის გამოთქმა არ შეუძლიან, ის ჰგავს ანდრიანტს, გამოქანდაკებულ სახეს და ვინც ყბედობს უთაებლოდ, შეუფენებლად—ის თუთიყუშია. ჩვენა ეზრდით მომავალ თაობას, აღამიანებს და უნდა ესცდილობდეთ გავზარდოთ ისინი ისე, როგორც სასარგებლოა მომავალი თაობისათვის—ეს შეიძლება მხოლოდ მაშინ, თუ უცხო ენის სწავლების დროს, განსაკუთრებით პირველ დაწყებით სკოლებში, მუდამ სიტყვა და საგანი, საგანი და სიტყვა იელიან სწორის ნაბიჯით.

ჩვენებურ სოფლის სკოლებში რუსული ენის შესასწავლებლად, განსაკუთრებით დასაყვებით საქართველოში, თითქმის რამდენიც სკოლაა, იმდენი სხვა და სხვა ხელსამძღვანელოები არსებობს. აქ იზოვით ვოლპერის წიგნებს, ბუნაკოვისას, ბარანოვისას, პუცოკოვიჩისას, უშინსკის «родное слово», ვოლოტოვისას, შესანიშნავ პედაგოგის შესანიშნავ «კურს»-საც, გოცებაშვილის წიგნსაც და კიდევ სხვას. ერთის სიტყვით მეტი არ იქნება ესტკვათ, რომ, რაც ჩვენსა და რუსულ საყმაწვილო მწერლობაში რუსული ენის შესასწავლად სახელმძღვანელო წიგნები კი მოიპოვება, მოწონებული იყო მთავრობისაგან თუ არა მაინც—და მაშასადამე სასარგებლოა თუ მანებელი ჩვენებურ სკოლებისათვის, სადაც მთავრობა ვალდებულია ყურადღებას აქცევდეს, როგორც სხვა საგნის, ისე სახელმწიფო ენის რიგიანად შესწავლასაც, ყველას ამ გეარ წიგნებს, ეამბობ, ბაზარი აქვს ჩვენებურ

სკოლებში—და ამას თურა შედეგიც მოჰყვება, მგონია, ყველასათვის ცხადი იყოს, არ ვიცი, რამდენად ბრმა უნდა იყოს და უეცი მასწავლებელი, რომ ბევრ ამნაირ წიგნების უფარვისობას ვერ ხედავდეს ჩვენებურ სკოლებში—პირიქით ბევრი ზემოხსენებული სახელმძღვანელოთაგანი ახლა რუსულ სახალხო სკოლებშიდაც არ იხმარება სახელმძღვანელოდ, სასწავლო წიგნად. ასეთი შესარიშნავი პედაგოგის წიგნი, როგორცაა «**РУССКОЕ СЛОВО**»—უშინსკისა, ისიც ამ ქვამდ უარვისად არის ცნობილი რუსულ სახალხო სკოლებში და ჩვენში კი ისეთ სამაგალითო სკოლებშიდაც კი ხმარობენ მას სასწავლო წიგნად, სადაც ვარჯიშობენ და სწავლობენ გაკვეთილების მიცემას ახალგაზდა მომავალი სოფლის მასწავლებლები. ჩვენებური სოფლის სკოლის მასწავლებლებში ერთობის, ერთის მიზნისადმი, ერთობილას, შეერთებულის ძალით მისწრაფების მაგივრად, სამწუხაროდ, ამ ქვამდ ბაბილონის კოშკის შენებას ვხედავთ—ამისთანა არევედარევა, ჩასაკერეველია მასწავლებლების მიზეზია და არა სხვისა. ჩვენ სკოლებში სახელმწიფო ენის შესასწავლად საჭიროა განსაკუთრებული, ადგილობრივ ნიადაგზე აღმოცენებული და პედაგოგიურად შემუშავებული სახელმძღვანელო წიგნი. ამისთანა წიგნი დღეს, ჩვენდა სასიამოვნოდ შორს საძებარი არა გვაქვს. დღეს ცოტად თუ ბევრად შეგნებულმა მასწავლებელმა, არა თუ გამოცდილებიდან, ისეც იცის, რომ «**РУССКОЕ СЛОВО**», შედგენილი ჩვენის პატივცემულის პედაგოგის ი. გოგებაშვილის მიერ, არის საუკეთესო სახელმძღვანელო წიგნი რუსული ენის სწავლებსათვის ჩვენს სკოლებში; მხოლოდ ეს წიგნი არის სამოსწავლო მთავრობის მიერ მოწონებული სასწავლებელ წიგნად ჩვენებურ სკოლებში, მიუხედავად ამისა ბევრი ჩვენი სოფლის მასწავლებელი, რომელიც დიდად პასუხის მგებელია, როგორც მთავრობის, ისე საზოგადოების წინაშე, ამ ღირსოვან წიგნს ყურადღებას არ აქცევს. აქ უნდა შეენიშნოთ, რომ მბნი გოგებაშვილის წიგნი შედგენილია თანახმად სამოსწავლო ოლქის მხრუნეელის მეერ გამოცემული სასწავლო გეგმის მოთხოვნილებისა, ყველა მასწავლებელმა უნდა იცოდეს, რომ ეს გეგმა, რომელიც მოწონებული და დამტკიცებული იქმნა ნამესტნიკის მიერ 13 იანვარს 1881 წელს, წარმოადგენს სოფლის სკოლებისთვის საკანონმდებლო წიგნს, პედაგოგიურად საგულისხმიერს, სადაც რუსული

ენის შესახებ მასწავლებელი იზოვის საუკეთესო რჩევას. ეს ხსენებული გეგმა ბევრი მასწავლებლის მიერ უყურადღებოდ არის მიტოვებული, მაშასადამე საკანონმდებლო წიგნის უარ ჰყოფა, შეადგენს კანონის დარღვევას და თუ ეს ასეა, როგორი მასწავლებელი უნდა იყოს ის, რომელიც თავის მოწაფეებს უჩვენებს მაგალითს საზოგადო კანონის უარ ყოფისას, დარღვევისას? ეს მკითხველისათვის მიგვინდია.

ლ. ბოცვაძე.

პედაგოგიკის ისტორიიდან

ბავშვების აღზდა რომში

(დასასრული ქრისტეს წინა დროის პედაგოგიკის ისტორიისა).

პლუტარხი (50—120 წელს ქრისტეს შემდეგ) შესანიშნავი ნასწავლი პირი იყო. იმან დასწერა თხზულება: «**de puerorum educatione**» («**ბავშვების აღზდა**»), რომელშიაც აღზრდის შესახებ გაატარა ძველი ბერძნული შეხედულებანი, დამყარებულნი **ზომის** და **ჭანძრვის** იდეალზედ. პლუტარხის აზრით; სამსპირობას აქვს დიდი მნიშვნელობა აღზრდის საქმეში. ეს სამსპირობა არის: **ბუნება, სწავლება და განჯიშობა**. კაცის ბუნება, მოკლებული განათლების სხივსა, თავის-თავად ბრმაა, —მარტო სწავლება, თუ ბუნებასთან არ არის შეერთებული, არაა საკმარისი, ეინაიდან მიზანს ვერ მიაღწევს; არც ვარჯიშობაა სრული, თუ მას ხელს არ უწყობენ ბუნება და სწავლება. მიწის შემუშავებისათვის საჭიროა კი ნიადაგი, კი მიწის მუშა და კი თესვა. ესევე ითქმის აღზრდის შესახებ; აქაც კარგმა ნიჭმა კარგი მწრთენელი უნდა იზოვოს და კი თესლი—სწავლა მიიღოს. უპატრონოდ დაგდებული მინდორი, თუნდაც ძლიერ კი ნიადაგის მქონებული იყოს, გავერანდება. ესრედ ილუპება ნიჭი, ღვთის ანაბარად დატოვებული, მოკლებული მწრთენელსა და კი სწავლასა.

დედამ თვითონ უნდა აწოვოს შვილსა და ან, თუ თვით არ შეუძლია ამ მოვალეობის შესრულება სხვა და სხვა მიზეზებისა გამო, უნდა აღმოარჩინოს

კეთილ-ზნობიანი ძიძა; ბავშვს აგრეთვე უნდა უშოვნონ კეთილ-ზნობიანი ამხანაგები. წინააღმდეგ შემთხვევაში ბავშვი გამოვა ზნობით დაცემული. ბავშვი აღრევე უნდა შეაჩვიონ სადა, მარტივს ცხოვრებას, აარიდონ ფუფუნებას, გულის წყრომას, უნდა შეაყვარონ სიმათლევ და შეაძულონ სიცრუე. მშობლებმა უნდა აჩვენონ შვილს კეთილი მაგალითები; მათი მიზანძივით ბავშვი კეთილს შეიყვარებს. ცემა-ტყეპას, წყრომა—გაჯაგრებას და მუქარას არ შეუძლია ბავშვს სიმათლევ და სიკეთე შეაყვარო.

ბეჯითობას სწავლაში ბავშვი შეეჩვევა დარიგებით, ჩაგონებით და არა ცემითა და სასტიკი მოპყრობითა. ცემა და სასტიკობა ბავშვს სრულიად შეაზიზღებს სწავლას და ბეჯითობასა. სხეულის ვარჯიშობანი, გიმნასტიკური მოძრაობანიც ძლიერ კარგია ბავშვის ტანმრთელობისათვის. ლიტერატურულ ნაწარმოებთა შესწავლის შემდეგ ახალ-გაზღობას ფილოსოფიაც უნდა შეასწავლონ. ფილოსოფია გვასწავლის ჩვენ, თუ რა უნდა გვიყვარდეს და რა უნდა გვძულდეს, რაა ქვემარტება და რაა სიცრუე; — ის გვასწავლის ჩვენ სიმდაბლეს ბედნიერების დროს. სულის სიმტკიცეს უბედურობის დროს. კაცი ყოველის ღონისძიებით უნდა ცდილობდეს ღვთაებას და ემსგავსოს. ღვთაება ყოველად სრული არსებაა, — მასშიარ მოითხოვება არც რისხვა და არც შურა, — კაცი კი ცოდვილი არსებაა. იმან უნდა შეიგნოს თავისი თავი, გაიცნოს თავისი ხასიათი, და ცდილობდეს შეძლებისა და გვარად ღვთაებას დაეგვავსოს.

მაგრამ არც ფილოსოფიას და არც კერძო პირების სწავლა-მოძღვრებას არ შეეძლო რომი ეხსნა დაღუპვისაგან.

თვით „სტოიკების“ სწავლა-მოძღვრების მიმდევარნი არ ცდილობდენ შეეთანხმებიათ სიტყვისთვის საქმე, სტოიკების აზრით, კაცი უნდა ცდილობდეს შეიძინოს საბრძნე, შეიგნოს ღვთაებრივი და კაცობრივი და თვისი ცხოვრება, კერძო ინტერესები მსოფლიო კანონს, მსოფლიო ჰარმონიას შეეთანხმოს, კაცი გონიერი არსებაა და ამიტომ უგნურობას და თავხედობას უნდა ერიდებოდეს. უმთავრესი მიზანი კაცის სიცოცხლისა არის კეთილ-სათნოება; ჯანმრთელობა, სიმდიდრე, დიდება არ შეადგენენ კაცის ბედნიერებას და არიან ჩქარა წარმავალნი: მათი მოხმარება ასეც შეიძლება და ისეც, სასიკეთოთაც

და საზარალოდაც. კმაყოფილება კაცის ბედნიერებას არ შეადგენს: ის არის ენებითი და არა მოქმედებითი მდგომარეობა სულისა. როგორც ენებითი მდგომარეობა სულისა, კმაყოფილება ზნობის ენერგიას აძინებს და თითქმის ჰკლავს. კეთილ-სათნოიანი კაცი არ ეძებს არც სამდიდრე და არც ქება-დიდებას; იმას თავისს გულში ჭ სულში, თავისს სულს ბუნებაში უძევს—ბედნიერება, შინაგანი სიკეთე.

სტოიკების სწავლა მოძღვრების მიმდევარი იყო ფილოსოფოსი სენეკა, კაცი ფრიათ განათლებული დი ამასთანავე საშინელი პირმოთნე, ფარისეველი. სენეკა თავის დროს საუკეთესო პედაგოგი იყო. იმას სურდა ახალთაობის გონიერი აღზრდის მეოხებით შეადედინა რომის დაცემული საზოგადოებრივი ცხოვრება. აი რასა სწერს თავის დედას სენეკა: «საშინელი სწელება ჩვენი დროისა—ზნობითი ხრწნილება შენ არ შეგხვია. შენ თვლებს გიბრძავებდნენ არა ძვირფასი ქვები და სიძლიდრე, არამედ უმაღლესი კაცობრივული სიკეთენი. შენ აღზრდილი იყავი თანახმად ძეგლის ცხოვრების მკაცრი და კეთილი ჩვეულებისა; ამისათვის შენ არ ბაძვიდი საშიშარს ახალს ცხოვრებას. შენ არა გქონდა რა სასირცხვო შენის ბავშვების წინაშე ისე, როგორც აქეთ სხვა მედიდურ და უსულო ქალება. კეთილ-სათნოება შეადგენდა შენს საუკეთესო სამკაულსა». ცხადად სჩანს აქ მოყვანილი სიტყვებიდგან, თუ როგორ უსაყვედურებს სენეკა მედიდურს და უსულო დედებს, რომელნიც არ სცდილობდნენ შეიღები რიგიანად აღეზარათ.

მაგრამ ამაო იყო ქადაგება და მოძღვრება რომის საუკეთესო მწერლებისა და პედაგოგებისა. ცხოვრება თავის რიგით და წესით მიმდინარეობდა, რაც უფრო და უფრო წინ მიდიოდა გონებითი განვითარება რომისა, მით უფრო და უფრო იხრწნებოდა მისი ზნობათი ცხოვრება. ისტორიკოსის შლოსერის თანახმად, უნდა ვსთქვათ, რომ ზნობითი ხრწნილება რომისა როდი იყო შედეგი მისი გონებითის აღყვავებისა. მიზეზი ზნობითის დაცემისა ქვეყნის სიმდიდრე-ქონების უთანასწოროდ განაწილება იყო. ასეთმა ქონებრივმა უთანასწორობამ ორს დიდ ნაწილად გაჰყო რომის ერი. ერთს ნაწილს სიღატაკს და ულუკვა-პურობის გამო მუდამ ცრემლი დიოდა იმ დროს, როდესაც მეორე ნაწილი სიმ-

დიდრის გამო სიცოცხლით სტკებოდა. ერთს ხველი ზურის ლუქმა საქმელად არ ჰქონდა და მეორე იმევე დროს ათასი და ათი ათასი თუმნობით ხარჯავდა თითო სადილზე. მდ ღრები ეძლეოდნენ ნაყოფანებს, ფუფუნებს და უყვარდათ სხვა და სხვა გასართობნი საშუალებანი. გრძობიკობა, სხვა და სხვა ენებებთან შეერთებული, მდიდრებს უღვიძებდა მადას ახალ-ახალი სიამოვნებისას, სიტკობებისას. გახშირდენ ბუნების წინააღმდეგნი მოქმედებანი, რომელთ სახელის ხსენებაც კი საირცხა. საცოდავ ყმებს სასტიკად ვყრობოდნენ. მათის ხორციით შადრევანში მყოფ თევზებს ჰკვებადენ, — მოხუცებულა ყმა მიჰყავდათ ერთს კუნძულზედ, რომელიც მდინარე ტიბრის შუა გულში იყო და აქ სტოვებდნენ. უპატრონოდ და უშემწეოდ დაგდებული მოხუცებული შიმშილით ჰკვდებოდა ამ კუნძულზედ... უმაღლეს წოდებას სარწმუნოება აღარ ჰქონდა, — მხოლოდ მდაბიო ხალხი იყო ერთ-გული ღმერთებისა. რომის «პანთეონში» იყო შეკრებილი მთელის ქვეყნის კერპები, და რომელი ერთად თავის კერპებთან სხვა ერის კერპებსაც ხედავდა და ამიტომ გული აცრუეა სარწმუნოებაზედ და აღარ სწამდა ღმერთებს არსებობა. თვით ქურუმები (жрецы) ერთმანერთს რო შეხედებოდნენ, შეცინებდნენ იმის ნიშნად, რომ ერთმანერთისთვის ეთქვათ, ხალხს როგორ ვატყუებთო. სარწმუნოების დაკემსთან ერთად გახშირდა საშინელი უსამართლობა; არავინ იყო მოყვარული სიმაართლისა და სამართლისა. ქალებმა ხომ სულ დაივიწყეს სენიღისი და პატიოსნება. ერთს ქმარს ქალი არ სჯერდებოდა და ჰყავდა ხშირად ათი, ოცი და ოცდა ათი ქმარი. უკანონოდ შობილების რიცხვი გამრავლდა; ბავშვის ხოცვა და ან სხვის კარზედ მიკდება ჩვეულებრივ მოვლენად გადაიქცა. ბევრი საშოშივე უსპობდა ჩასახულ ბავშვს სიცოცხლესა, რომ მშობიარობის დროს ტკივილით თავი არ შეეწუხებია. ცოლ-ქმური კეშირი შეიძულეს, ბავშვებს, ამ მომავალ მოქალაქეებს, ზიზლით უტყუროდნენ დედები... ისპობოდა ოჯახობა, საფუძველი სახელმწიფოსი და საზოგადოებისა. —


ამასთანავე ერთად მთელი ერი რომისა მოიცვა უკიდურესის უიმედობის შავმა ღრუბლებმა, — სასოწარკვეთილებამ მისი სული და გული შეხუთა და რაღაც შიშში ჩააგდო. ცრუ მორწმუნეობამ დაიპირა

სარწმუნოების ადგილი, — თუქცა ხალხი ზნეობით იყო დაცემული, მაგრამ მის გულში როდი მომკვლარა შეცნება თვისის ასეთი მდგომარეობის უვარგისობისა, — განათლების, ზე-ადგომის სურვილი კიდევ ბეუჭავდა კაცობრიობაში, მაგრამ ყველა კი დარწმუნებული იყო, რომ კაცობრიობას თავისთავად, თავის საკუთარის ძალებით თავის ხსნა არ შეუძლია, ყველას სჯეროდა, რომ საჭიროა ზე-გარდამო შევლა, ზეციით მოსული წინასწარმეტყველი, ამ წინასწარმეტყველს კიდევ მოელოდნენ, — «მესიების» რიცხვი გამრავლდა; მოელოდნენ შობას არა ჩვეულებრივის ყრმისას (ვირგელი) — ხალხოსნობას თვალი აღმოასვენლეთისკენ მივყრო; იქიდგან ელოდნენ ახალი მშის გამობრწყინებას. სწორედ ამ დროს, როდესაც ია ასეთ უნუგემო მდგომარეობაში იყო ხალხოსნობა, როდესაც ის მოგვაგონებდა მდიდრად მორთულ კუბოში ჩადებულ კაცის უსულო გეჰსა და ლეშსა, მინდორზედ არწივების საქმელად დაგდებულს, დეკემბრის ოც-და-ათხს ბეთლემში მთვარიანს ღამეში გაისმა ცაში სანატრელი ხმა ანგელოზებისა «დიდება მაღალთა შინა ღმერთსა და ქვეყანასა ზედა მშვიდობა და კაცთა შორის სათნობა». ამ ხმამ ახარა ქვეყანას დაბადება ცით მოვლენილის წინასწარმეტყველისა, რომელსაც უნდა ძირეულად შეეცვალა კაცობრიობის ცხოვრება და დაემყარებია ის ახალს საფუძველზედ. აღმოსავლეთში გამოჩენილმა არაჩვეულებრივმა ვარსკვლავმა წარმართების მოგვებს ახარა იესოს დაბადება. წარმართობამ მას თავყვანი სცა თვისის წარმომადგენლების, მოგვების პირით.

იშვა ძე ღვთისა იესო, და დადგა ახალი ხანა კაცობრიობის ცხოვრებისა. ძველი აღთქმის ბნელი რწმუნება ახალი აღთქმის ახალ განმაცხოველებელ რწმუნებად შეიცვალა. შეიცვალა აგრეთვე ბავშვების აზრდის საქმეც ქრისტიანობის ზედ-გავლენის ქვეშე.

ილ. ფერაძე.

(შემაგვი იქნება).



ახალი მსხვერპლი მატყუარა სოფლის ექიმისა.

(წერილი ღორეშიდამ).

თუკა ამ ცოტა ხანში ბევრნაირ ბოროტებას მოელო ბოლო, მაგრამ ბევრის მოსპობა კი ჯერეთ დიდს მხნეობასა და მეცადინეობას თხოულობს მთავრობის მხრით. ამ სამიოდე წლის წინეთ ზემო იმერეთში გაგრცელებული იყო ყაჩაღობა, ოჯახების აკლება-აწიოება და ხშირათ კაცის კვლაც. ამ სა-ზიზღარმა საქმემ პრველათ ხარაგაულის საბოქაულო-ში იჩინა თავი და, რადგან მაშინდელმა ამ კუთხის ბოქაულმა (რომელსაც აეკაცობის მიზეზათ სილა-რიბე მიიჩნდა და არა თანშობილი ბიდრეკრლება ზოვიერთა ვაქბატონებისა აე-კაცობისადმი) დიდი გულკეთილობა გამოიჩინა ბოროტი კაცების შესახებ, ამიტომ ყიჩაღობა თითქმის ყოველ-დღიურ მოვ-ლენათ შეიქმნა მთელს ზემო იმერეთში. სულ სხვა გზას დაადგა ახალი ბოქაული ბ. წ-ლი და დღეს თუმც ჩვენ კუთხეზე არც ის ითქმის, რომ თხა და მკვლა ერთათ სძოვდეს, მაგრამ აღარც ისეთ ბარბაროსობას ვხედავთ, როგორსაც ამ ორიოდე წლის წინეთ დღე მუდამ ვხედავდით. ამ ნაირათ თუმცა ერთნაირი ბოროტი კაცები ითოკებიან, სა-მაგიერთ მგორენი, სოფლის მატყუარა ექიმები კი, პირ-იქით, აძლიერებენ თავის უმეცარი ხალხისათვის დამლუბველ მოქმედებას. ერთმა ღმერთმა იცის, რამოდენი კაცი უღროვოდ გამოუთხოვებიათ წუთი სოფლისათვის ამ სულზე ხელაღებულებს. საუბედუ-როთ, ნასწავლი ექიმები და აფთიაქები ერთობ ხელ-მიუწოდენელი არიან სოფლის ღარიბი ხალხისათვის. ხშირათ ერთი აბაზის წამლის გამოსაწერათ ექიმს ერთი მანეთი უნდა მისცეს კაცმა და სოფელში ექიმის წაყენას ხომ ასში ერთი ვერ შეიძლება. ამიტომ გულდათუთქული ავადმყოფის პატრონი ისევ სოფლის ექიმს ეტანება, რომლის წამალიც ავადმყოფს არა თუ უხდება, ხშირათ ვნებასაც აძ-ლევს. სავალალო ის უფროა, რომ სოფელში ხში-რათ ისეთი ადამიანი, რომელმაც თავისი პირის რი-გიანათ დაბანაც კი არ იცის, ყოველნაირი ავად-მყოფის მოჩინას კისრულობს, თუმცა წამალს ყველას ერთნაირს აძლევს. მე ვიცნობდი ერთს მო-

ხუც დედა-კაცს, რომელიც დღეში ათ-თარმეტ ბოთლ შაქრით დამტკბარსა და რალაც საკაზმებით გაკეთალ-სუნნელებულ წყალს მაინც გაასაღებდა, სულ თათო მანეთად ბოთლს. „თინათინმა მეტა-მეტი ტკბილი და კარგი ბარგის წამლების შემხადე-ბა იცინა“, — ამბობდენ სოფლელები და თინათინიც ყველას ტკბილ წამალს აძლევდა. ეს კი უნდა სთქვას კაცმა, რომ თინათინის წამალი, თუმცა არაღის რგებდა, არც ვნებას აძლევდა. საუბედუროთ, ამას ვერ ვიტყვივით გამოჩენილ ხირურგ ე. ვამძიხე, რომელმაც საიქიოს გაამგზავრა თამა ორჯონიკიძე. აი როგორ მოხდა ეს:

შემდეგ სკოლაში წერა-კითხვის შესწავლისა, თამა ჭიათურაში დადგა პრიკაშიკათდა აგერ სამი წელიწადია თვეში 15—20 მანეთი შემოქონდა და მოხუც მშობლებს ასახრდოებდა. ამას წინეთ თამა ჭიათურიდამ ღორეშიაში წამოსულა, გზაზე შესცივინა და ყბებს ქვეშ რალაც ჯირყელები გასჩენია. მშობ-ლებს ორიოდე ბოთლი ტკბილი წამალი დაუღვე-ნებიათ, მაგრამ ჯირყელები არ გამქრალა. რადგან ტანში ტკივილს არას გრძნობდა, მალე ისევ ჭია-თურაში დაბრუნდა თამა. იანვრის უკანასკნელ რიცხვებში მას შეხვედროდა ჭიათურაში ვილაც ვაშაძე, რომელსაც, დაენახა რა თამასთვის ჩამოსივებუ-ლი ყბები, ეკითხა: რაზედ გაგიჩნდა ვე ჯირყელე-ბიო. პასუხის მიღების შემდეგ ვაშაძეს გამოეცხადე-ბია ორჯონიკიძისათვის, რომ ვე უბრალო ჯირყელე-ბი კი არა, დურბელია და ჩემი ხელობაც მაგის ექიმობა არისო. შეეცდინა საწყალი ახალგაზდა კაცი და წაყევანა საექიმოდ სოფელ რგანში. ხუთი მანეთი გამოერთმია, თუთხმეტი მანეთის მიცემაზე ბარათი ჩამოერთმია და დაეწყო ექიმობა. დაესერა ტკავანი ადგილები, წავსო ზედ რალაც ვაზელინის მსგავსი წამალი და ეთხრობია: ამ წამალში რამოდენიმე ნა-წილი მარდიმში ურეგია და ის თვისება აქვს, რომ ჯირყე-ლებს ძირიანად ამოყრისო. ამის შემდეგ თამა სოფელს სვერში წამოსულა თავის ბიძა ჯიბა წერეთელთან და გზაზედ რალაც სისუსტე უგრძნია. ორი დღის განმავლობაში მთლად გასივებია კისერი, მკერდი და ფეხებიც, ხოლო იმ ადგილზე, სადაც ექიმს წა-მალი წავსო, გასჩენოდა ვებერთელა იარა. ცრახალ-მკვდარი თამა მამამ 31 იანვარს ღორეშიაში ჩამო-იყვანა და ორ თებერვალს, დილით საცოდავმა დიდ ტანჯვაში სული განუტყევა. მიცვალებული, როგორც

მნახველები ამბობენ, მალე ნახშირით გაშავდა სახსრებში დაიხსნა, დაწობლდა და საშინელი ცუდი სუნით ასლინდა, თუმცა იმ ხანად ჩვენში 4-5 გრადუსი სიცივე იყო. მიცვალებულის მამას ექიპისათვის საჩივრის განცხადება უნდოდა, მაგრამ შეშინდა მიცვალებულს გამიწვალებენ და სხვა არაფერი გამოდნებაო. ამიტომ ამ საქმით გულნატკენი ჩემ გულის ტკივილს მკითხველ საზოგადოებას უზიარებ იმ იმედით, რომ, თუ ასეთი ბოროტება თვით მთავრობამ არ მოსპო, ეგების ამ საჩუქრით ამბავმა ზოგიერთები მაინც მოარიდოს სოფლის მატყუარა ექიმებს.

ს. ჭ—ქე.

ჩემი სურვილი.

მსურს შესუსტდეს დაწყველილი ძალა უსამართლობისა და დამყარდეს ქვეყნად ხანა სათნოების, მშვიდობისა, რომ კაცს გზასა უნათებდეს სხივი კვშმარიტებისა, ამშვენებდეს წმილა მცნება ძმობისა და ერთობისა, რომა სუსტი ძლიერისგან აღარ დაიჩაგრებოდეს, ნაყრდებოდეს ლომი ცხვართან და ბატანიც მკელთან ძოვდეს. მსურს, შესწყდეს ხმა თოფ-ზარბაზნის, გულის მგმერი, შემაწუხი, ხალხოსნობამ შეიძულოს ომი, ხმლისა ჩახა-ჩუხი, რომ ძმა ძმის სისხლს აღარ ღვრიდეს, როგორც მხეცის სისხლს ღვრის მხეცი, და სტკებოდეს მშვიდობისა ნაყოფითა კაცად კაცი. მსურს, აღყვადეს ჩვენის შრომით საყვარელი ჩვენი მხარე, და უმღერდენ უკვდავების იმას ნანას მზე და მთვარე.

ილ. ჩხერიშვილისპირელი.

(რუსულიდან ლ. ფ. ტ—კოსი).

ლათინური და ბერძნული მაწვალებდენ მე ათ წელსა; გამუდმებულ ბეჯითობამ დამამსგავსა ნაფოტ ხმელსა.

ეხლაც კიდევ, გეფიცებით, შემაციენებს, გამმაჯროლებს, რა ვიგონებ ციცერონსა, ჰომიროზის «გეკზამეტრებს».

ბერს ლამეს არ მიძინებია, ვზეპირობდი უცხო ლექსებს, — ესრე ტანჯვით ვატარებდი შაგირდობის ჩემსა დღეებს.

მართალია, დავიტანჯე, ბევრჯელ ვწყველე ჩემი ბელი, მაგრამ მაინც მშვენიერი მე «კლასიკი» გამოვედი.

გამოვტყდები, ძლიერ სუსტად მე რუსული ენა ვიცი, ლათინური კი—მშვენიერად; ამას აღარ უნდა ფიცი.

დაე, ჩემი საუბარი ნუ იქნება დაწყობილი, მაგრამ მთელი «ილიადა» ზეპირად მაქვს დასწავლილი.

ცხოვრებაში შევდგი ფეხი დასუსტებულ სხეულითა, — თან მრცხვენია, რომ დავდივარ ცარიელი მე თავითა...

ამისდა მიუხედავად — და ეშმაკის საცინელად, — პედაგოგთა «მწიფედ» მიცნენ სულიერად, ხორციელად.

ილ. ჩხერიშვილისპირელი.

ახალი ამბები და შენიშვნები.

ოფიციალურად გამოცხადებულია: ხელმოწეულ შემკვიდრე ცესარევიჩი 8 აპრილს დაინიშნა გესენის პრინცესა ალისაზე.

გეომანიის, აესტრიის და ინგლისის გაზეთები სიხარულით ეგებებიან შემკვიდრე ცესარევიჩის პრინცესა ალისაზე დანიშვნას.

როგორც ისმის, უწმიდეს სინოდს განკარგულება მოუხდენია, რომ ყველა მამათა და ღვთისმონასტრებთან დაარსებულ იქმნეს სკოლები გლეხის შეილებსათვის.

სასურველია, რომ ეს მშენიერი განკარგულება უწმიდესის სინოდისა მალე მოვიდეს სისრულეში. ძველ დროში ყველა ჩვენ მონასტრებთან არსებობდნენ სკოლები, სადაც მონასტრის ახლო-მახლო მცხოვრებთა შეილები სწავლობდნენ წერა-კითხვას, საეკლესიო წიგნების კითხვას და გალობას.

ამ ცოტა ხანში, როგორც რუსეთის გაზეთები გვაცნობენ, ფინანსთა მინისტრი აპირებს ახრი შეიტანოს სახელმწიფო რჩევაში, რომ შემცირებულ იქმნეს სახელმწიფო გადასახადი, რომელიც დადებულია რკინის გზით მიმომსვლელთა ბილეთებზე.

1896 წლისათვის მსოფლიო გამოფენის გამართვას აპირებენ რუსეთის ქალაქნიჟინი-ნოვგოროდში. ამ გამოფენისათვის ნაანგარიშევი აქვსთ ხარჯი 4,321,000 მანეთი.

1892 წლის განმავლობაში რუსეთის იმპერატორის დასახელის ფულადი შემოსავალი 122,197,587 ფურცელი 583,690,982 მანეთისა. ყალბი ქალაქის ფული პირველი იანვრისათვის 1892 წ. ინახებოდა ბანკში 12,158 ფურცელი, 129,086 მანეთისა. წლის განმავლობაში კიდევ შემოვიდა 1,174 ფურცელი, 9,941 მანეთისა; იმათგან დაიწვა 3,682 ფურცელი, 39,379 მანეთისა; დარჩა პირველი იანვრისათვის 1893 წ. 9,938

ფურცელი, 103,744 მანეთისა. სულ ყალბი ქალაქის ფულების ხმარებაში შემოსულისა 1 იანვრამდე 1893 წ. შემოსულა 168,814 ფურცელი, 1,542,155 მან.; აქედგან დაიწვა 131,664 ფურცელი, 1,207,141 მანეთისა, 27,212 ფურცელი, 231,270 მან. იმეკონებიან გამოძიების საქმეებში და 8,838 ფურცელი, 103,744 მანეთისა ინახებოდა ბანკში.

ქუთაისის კლასიკურ გიმნაზიაში საღმრთო სჯულის მათწავლებლად დანიშნულ იქნა ელადიკავკავის საკრებულო ტაძრის მღვდელი ღვთისმეტყველების კანდიდატი მ. ი. ტუკარინოვი.

26 აპრილს ქუთაისში სამხედრო სამსახულომ გააჩნია სოფელ ოფიშვითის მცხოვრების თაყაისი ანდრია ზ. ნიჟარაძის საქმე, რომელმაც ბრალდებოდა მუხანის რკინის გზის სადგურის უფროსის დაქრა. სამსახულომ ბრალდებულს ნიჟარაძეს გარდაუწყვეტა ჩამოხიზობა, მაგრამ ზოგიერთ პატივსად მიზეზთა გამო სამსახულომ იშუამდგომლა კავკასიის მთავარ-მართებლის წინაშე, რომ ბრალდებულს ეს სასჯელი შემცირებოდა. მთავარ-მართებელმა შეიწყინა სამსახულოს შუამდგომლობა და დამნაშავეს დახრჩობის მაგიერ გადაუწყვეტა 15 წლით კატორგაში გაგზავნა.

1888 წლიდან თბილისში გამოდის გაზეთი «მეურნე». ეს გაზეთი დღემდე სხვა და სხვა მიზეზებისა გამო ჯეროვნად ვერ ასრულებდა თავის დანიშნულებას. დღეს ამ გაზეთში ბ. ილია ჭყონიას მეთაურობით მონაწილეობას იღებენ: აგრონომები, ტენიკოსი, ექიმები და მეფუტკრეობის მკვლევარნი. ამ თანამშრომლების შემდეგ ამ გაზეთს სიცოცხლე მოემატა და საინტერესო საკითხებიც შეიქნა თავისი შინაარსით. ბ. ი. მ. ჭყონია ცდილობს, რომ ამ გაზეთის ბეჭედა გადმოიტანოს ქ. ქუთაისში და ამის შესახებ მას თხოვნაც მიუტია უ. ქუთაისის სამხედრო გუბერნატორისათვის. იმდია ბ. ჭყონია ამ ნება-რთვას მიიღებს და ამით მას შეძლება მიეცემა მომეტებული ყურადღება მაქციოს ამ გაზეთის შინაარსს განკარგვას.

თუ რამდენად საჭიროა სამეურნეო ცოდნის

გაერკვლება ჩვენ ღარიბ ქვეყანაში, ეს, ვგონებ, ყველასათვის ცხადი უნდა იყოს. ამიტომ სრული დაწმუნებული ვართ, რომ ჩვენი სამღვდლოება, რომელიც ახლო დგას ხალხთან, დახპარებას აღმოუჩენს ბ. ჭყონიას მის კეთილს და ქვეყნისათვის სასარგებლო საქმეში. სამღვდლოებას ამ გაზეთის შემწეობით შეუძლია სამრევლოებში გაავრცელოს სხვა და სხვა სამეურნეო და საპიგიენო ცოდნა, რითაც ღირს სამსახურს გაუწიეს ჩვენს მხარეს.

მოახლოვდა მანის და შვიქნა ჩვენს დალოცვილს ქუთაისში გაცხარებული ფაცი-ფუცი ვეჟილობების და კენჭების მოპოვებისათვის. გასაკვირველი და დროის ნიშანი ის არის, რომ ამ უმად უფრო მეტად ფაქტობენ ტფილისელების აგენტები ქუთაისში, ვიდრე ქუთათურ მოღვაწეთა დანდობილი. ჩვენ ნამდვილად ვიცით, რომ ერთი ტფილისელი მოღვაწის აგენტებმა ქუთაისის მესხებლები, რომელთაც მამული ბაკში აქვთ დაგირავებული, მეტის-მეტად შეაწუხეს ლიტანიით, რომ ვეჟილობა მოგვეცითო, თორემ საქართველოს დაღუპვაში თქვენც ბრალი დაგედებათო და სხვ... ნამდვილად ვიცით ისიც, რომ ზოგან კიდეც გაუჭრია მათს მჭევრმეტყველებას. ამასთან ჩვენს ზნეობრივ მოვალეობად ვთვლით ისიც მოვიხსენიოთ, რომ არც ერთი ზემორე ხსენებულნი აგენტები თ. ი. მაჩაბლის არ ყოფილა, რასაც მოწმობს «ივერიის» მჭევრმეტყველური ღუმელიც ქუთაისიდან ვეჟილობების გაზიდვის შესახებ.

ს-ფლის საწაბლის მთავარ-ანგელოზის ეკკლესიის მღვდელი მ. დავით გველესიანისაგან ჩვენ მივიღეთ შემდეგი წერილი.

მ. რ. რედაქტორო! უმორჩილესად გთხოვთ ნება გვიბოძოთ, რომ თქვენის ქურნალის «მწყემსი»-ს საშუალებით გულითადი მადლობა გამოუცხადოთ ჩემი და ჩემი მრევლის მხრით ჩემდამო რწმუნებულის საწაბლის მთავარ-ანგელოზის ეკკლესიის მრევლთა: დ. ყვირილაში მცხოვრებს გვევან ზურაბის ძეს ჩუბინიძეს, რომელმაც ზემოხსენებულს ეკკლესიას შემოსწირა ზარა, ღირებული 50 მან., კოსტანტინე თეიმურაზის ძეს კუბაძეს, რომელმაც შემოსწირა კანკელი, ღირებული 83 მ. 40 კ. და ალექსი როსტომის ძეს ჩაჩანიძეს, რომელმაც შემოსწირა 8 მანეთის ღირებული მანდალი.

წერილი რედაქციის მიმართ.

მამო რედაქტორო!

მე წავიკითხე თქვენს პატივცემულ გაზეთ „მწყემსი“ ს მე-2 №-ში, რომ თქვენ გთხოვენ შუაგულ სიბირიდან «მწყემსი»-ს გაგზავნას და თქვენ გაზეთთან წიგნებსაც უგზავნით და გამომცემლებსაც აუწყებთ, რომ ნუ დაიშურებენ თავიანთ გამოცემას. ჩვენი მხრით უცხადებთ იმ ქართველებს, რომელნიც შუაგულ სიბირიდან ქართულ წიგნებს თხოულობენ და მათთან ყველა იმ სტუდენტებს, რომლებსაც ბიბლიოთეკები აქვსთ უნივერსიტეტებში და აკადემიებში, ყველას გაუგზავნი ჩემგან გამომცემულ წიგნებს უფასოდ, თუ რომ ისინი აღრესის მოწერისათანვე იკისრებენ ფოსტის ხარჯს.

კ. თავართქილაძე.

ოზურგეთი,
თებერვლის 5-ს 1894 წ.

ყველა მკითხველს.

ბ რ ი ს ი.

- წ მიუღეს ჩუბინიძის მრევლისგან მრევლისგან.
- ბ — ჩუბინიძის მრევლისგან მრევლისგან.
- ყ — ჩუბინიძის მრევლისგან მრევლისგან.
- ყ — ჩუბინიძის მრევლისგან მრევლისგან.
- ყ — ჩუბინიძის მრევლისგან მრევლისგან.
- ყ — ჩუბინიძის მრევლისგან მრევლისგან.
- ყ — ჩუბინიძის მრევლისგან მრევლისგან.
- ყ — ჩუბინიძის მრევლისგან მრევლისგან.
- ყ — ჩუბინიძის მრევლისგან მრევლისგან.
- ყ — ჩუბინიძის მრევლისგან მრევლისგან.

ყ რ ი ს ი.

- ყ — ჩუბინიძის მრევლისგან მრევლისგან.

გ ა ნ ც ხ ა დ ე ბ ა ნ ი .

სახელმძღვანელონი,

დაწკრიდნი იაკობ გოგებაშვილის მიერ.

დედა-მეც, ანუ ანბანი და პირველი საკითხავი წიგნი, საერო და სამრევლო სკოლებში სახმარებელი, მეცხრე შეცვებული გამოცემა, დაბეჭდილი წერა-კითხვის საზოგადოების მიერ. ამ გამოცემაში ჩართულია თავში სახატავი სურათები და ბოლოში საწერი დედანი, ასე, რომ ამ წიგნის მხმარებელთ აღარ მოუწოდებთ სყიდვა არც სახატავებისა და არც დედნისა. შასი ისევე ექვსი შაური, ყლით ორი აბაზი. შს წიგნი მოწონებულია და შართულის ენის სახელმძღვანელოდ დანიშნული განათლების სამინისტროს მიერ და უწმიდესის სინოდისაგან... შინც ერთად იყიდის ოც და ათსან მეტს ცალსა, წიგნი დაეთმობა ზუთ შაურათ, ყლით შშ კაპ.

გუნების კარი, ანუ საკითხავი წიგნი, უმცროსს კლასში სახმარებელი, მეშვიდე გამოცემა, შემკული სურათებით და საქართველოს ქართით, დაბეჭდილია წერა-კითხვის საზოგადოების მიერ. შასი ყლით ოთხი-აბაზ უხალთუნი (90 კაპ.). უყდოთ ეს გამოცემა არ ისყიდება. შინც ერთად იყიდის ათს ცალსა, წიგნი დაეთმობა ოთხ აბაზად, ვინც ოცსა—თუთხმეტ შაურად და ვინც ოც-და-ათსა—თოთხმეტ შაურად. შს წიგნიც მოწონებულია სამინისტროსაგან, როგორც „შეწერილი სახელმძღვანელო შართულის ენისა“ და აგრეთვე უწმიდესი სინოდისაგან.

კკკკრი, ანუ ანბანი და პირველი საკითხავი წიგნი, სახლობაში სახმარებელი, გამოცემა მეშვიდე, ფასი ორი შაური; ნარდათ 8 კაპეკი.

კკნს საყმაწვილო მოთხრობათა ბუნების მეცნიერებიდგან, მესამე გამოცემა, სურათებიანი, ფასი ათი შაური, ვინც ნალდს ფულზედ იყიდის ათს ცალსა, ცხრა შაურად მიეცემა წიგნი, ვინც ოცსა, ორ აბაზათ. წიგნი მოწონებულია როგორც სამინისტროსაგან, ისე სინოდისაგანა.

ხმმლი, ანუ რჩეულთა ლექსთა კრება მოზრდილ ყრმათათვის, მეორე გამოცემა, ფასი ექვსი შაური. მოწონებულია სამინისტროსა და სინოდისაგან.

კუნწულს, ანუ საყმაწვილო მოთხრობანი, ფასი ორი აბაზი. მოწონებულია როგორც სამინისტროსაგან, ისე სინოდისაგან.

იანანამ რა ჰქმნა? მოთხრობა მოზრდილი ყმაწვილებისათვის, ფასი ორი შაური.

ხაშის მიგმონ? საყმაწვილო მოთხრობა, ფასი ერთი შაური.

სსინდის ომი საყმაწვილო მოთხრობა მეფე მრეკლეს სურათით და ქართით, ფასი ორი შაური.

მირითაღი უკუღმართობა, პუბლიცისტური წერილი დედა-ენის მნიშვნელობის შესახებ კერძო ადამიანის და მთელის ერის ცხოვრებასა და წარმატებაში, ფასი ერთი აბაზი...

РУССКОЕ СЛОВО, часть первая, издание четвертое цѣна тридцать копеекъ, въ переплетѣ 40 копеекъ.

РУССКОЕ СЛОВО, часть вторая, издание третье, цѣна 40 копеекъ. Въ переплетѣ 50 коп.

РУКОВОДСТВО для учащихся къ преподаванію русскаго языка по „Русскому Слову“, цѣна 50 коп.

Обѣ части «Русскаго Слова» одобрены въ качествѣ учебнаго руководства по русскому языку для грузинскихъ школъ, а «Руководство для учащихся» одобрено для библиотекъ низшихъ и среднихъ учебныхъ заведеній всего Кавказскаго учебнаго округа, и то и другое одобрено учебнымъ Начальствомъ, съ утвержденія Господина Главноначальствующаго. (Смотри „Сборникъ“ распоряженія по управленію Кавказскимъ Учебнымъ округомъ стран. 1965 и 1967).

Равнымъ образомъ одобрено и рекомендовано Русское Слово» духовнымъ учебнымъ Начальствомъ.

(15—3)

შინაპარსი: ქრისტეს აღდგომისა გამო.—ზოგიერთ საერო ყურნალ-გაზეთების უნებლიეთ შეცდომათა გამო.—სურათი აღდგომისა.—ჰედაგოგიური შენიშვნები სამრევლო სკოლის მასწავლებელთა საყურადღებოდ.—ჰედაგოგიის ისტორიადამ.—ახალი მსწვერპლი მატყუარა სოფლის ექიმისა.—ლექსნი.—ახალი.—ამბები და შენიშვნები.—საკალენდარო ცნობანი.—განცხადება.